

陸宣公文集

一

宋蜀刻本唐人集



本社編

宋蜀刻本唐人集



YZLI0890174397

一册

陸宣公文集目錄



第一卷

奏議

論兩河及淮西利害狀

論關中事宜狀

第二卷

奏議

論叙遷幸之由狀

奉天論奏當今所切務狀

奉天論前所答奏未施行狀

第三卷

奏議

附目

奉天請數對群臣兼許令論事狀



奉天論尊號狀

重論尊號狀

奉天論赦書事條狀

第四卷

奏議

奉天論擬與翰林學士改轉狀

奉天請罷瓊林大盈二庫狀

奉天論解蕭復狀

奉天薦袁高等狀

奉天奏李晟所管兵馬狀

奉天奏李建徽楊惠元兩節度兵馬狀
駕幸梁州論進獻瓜果人擬官狀
又論進瓜果人擬官狀

第五卷

奏議

興元論解姜公輔狀

又荅論姜公輔狀

興元論請優獎曲環所領兵士狀

興元論解蕭復狀

又荅論蕭復狀

興元論續從賊中赴行在官狀

第六卷

奏議

興元賀吐蕃尚結贊抽軍退歸狀

興元奏請許渾城李晟等諸軍兵馬自取機便狀

興元請撫循李楚琳狀

興元論中官及朝官賜名定難功臣狀

興元論賜渾城詔書為取散失內人等議狀
鑾駕將還宮闕論發日狀

請釋趙貴先罪狀

論替援李楚琳狀

收河中後請罷兵狀

第七卷

奏議

請許臺省長官舉薦屬吏狀

請遣使臣宣撫諸道遭水州縣狀

論淮西管內水損處請同諸道遣宣慰使狀

謝蜜旨因論所宣事狀

第八卷

奏議

論嶺南請於安南置市舶中使狀

論宣令除裴延齡度支使狀

論齊映齊抗官狀

請減京東水運收腳價於緣邊州鎮儲蓄

糴事宜狀

密司

三

第九卷

奏議

論緣邊守備事宜狀

商量處置賣畚事狀

奏議賣畚等官狀

請不簿錄賣畚莊宅狀

第十卷

奏議

請還田緒所寄撰碑文馬絹狀

請依京兆所請折納事狀

議汴州逐劉士寧事狀

請不與李方榮汴州節度使狀

論度支令京兆府折稅市草事狀

論左降官准赦合量移事三狀

論邊城貯備米粟等狀

第十一卷

奏議

論裴延齡姦蠹書

論朝官闕員及刺史等改轉倫序

第十二卷

均節賦稅恤百姓六條

其一論兩稅之弊須有釐革

其二請兩稅以布帛爲額不計錢數

其三論長吏以增戶加稅闢田爲課績

其四論稅期限迫促

其五請以稅茶錢置義倉以備水旱
其六論兼并之家私重於公稅

陸宣公文集目錄終

陸宣公文集卷第一

奏議

論兩河及淮西利害狀

論關中事宜狀

論兩河及淮西利害狀

內侍朱冀寧奉宣進言緣兩河寇賊未平殄又淮西兇
黨攻逼襄城卿識古知今合有良策宜具陳利害封進
者臣質性凡鈍聞見陋狹幸因乏使簪組昇朝荐承過
恩文學入侍每自奮勵思酬獎遇感激所至亦能忘身
但以越職干議典制所禁未信而言聖人不尚是以循
循默默尸居榮近日日以愧自春徂秋心雖懷憂言不
敢發此臣之罪也亦臣之分也陛下天縱聖德神授英

謀明昭八表思周萬務猶慮闕漏下詢芻蕘此竟舜捨
已從人好問而好察述言之意也臣每讀前史見開說
納忠之士及有泣血碎首牽裾斬鞅者皆以進議見拒
懇誠激忠遂至發憤踰禮而不能自止故也況今勢方
有危迫事有機宜當聖主開懷放納之時無昔人逆鱗
顛沛之患儻又上探微旨慮匪悅聞傍懼貴臣將為沮
議首尾憂畏前後顧瞻是乃偷合苟容之徒非有扶危
救亂之意此愚臣之所痛心切齒於旣往是以不忍復
躬行於當世也心蘊忠憤固願披陳職居禁闈當備顧
問承問而對臣之職也寫誠無隱臣之忠也謹具件如
後惟明主循省而備慮之豈有微臣獨荷容納之恩實
億兆之幸社稷之福也臣本書生不習戎事竊惟霍去

病漢將之良者也每言行軍用師之道顧方略何如耳不在李古兵法是知兵法者无他人情而已通其變則得失可辯成敗可知古人所以坐籌樽俎之間制勝千里之外者得此道也臣才不逮古人而頗窺其意是敢承詔不默輒陳狂愚伏以剋敵之要在乎將得其人馭將之方在乎操得其柄將非其人者兵虽衆不足恃操失其柄者將虽材不爲用兵不足恃典无兵同將不爲用而无將同將不能使兵國不能馭將非止費財翫寇之弊亦有不戢自焚之災自昔搗乱之興何嘗不由於此今兩河淮西爲叛乱之師者獨四五凶人而已尚恐其中或有傍遭詿誤內蓄危疑蒼黃失圖勢不得止亦未必皆是處心積慮果爲姦逆以僭帝稱王者也況其餘

卷一

二

衆蓋並憎從苟知全生豈願為惡若招攜以法悔禍以誠使來者必安安者必久斯道積者人誰不懷縱有野心難馴臣知其從化者必過半矣舞干苗格豈獨虛言假使四五兇渠俱稟梟鴟之性其下同惡復有千百相從是皆卒伍庸流關茸下品其志好不過聲色財貨之樂其材用不過蹴踘距踴之能其約從締交則迭相侮詐以為智謀其御衆使人則例質妻孥以為術數斯乃盜竊偷安之伍非有姦雄特異之資以陛下英神志期平壹君臣之勢不類逆順之理不侔形勢之大小不倫師徒之衆寡不敵然尚曠歲持久師老費財加筭不止於舟車徵卒殆窮於閩濮豈肉搏骨呻吟里閭送父別夫號呼道路杼軸已甚興發已殫而將帥者尚曰財不

足兵不多此微臣所以千慮百思而不悟其理也未審
陛下尚徵其說察其由乎股肱之臣日月獻納復為陛
下察其事乎臣愚無知實所深惑遂乃過為臆度輒肆
討論以為剋敵之要在乎將得其人馭將之方在乎操
得其柄將非其人者兵雖衆不足恃操失其柄者將雖
材不為用今以陛下効其明聖群帥畏威雖萬無此虞
然亦不可不試省察也陛下若謂臣此說蓋虛體耳不
足徵焉臣請復為陛下効其明證以實前說田悅唱亂
之始氣盛力全恒趙青齊迭為脣齒陛下特詔馬燧委
之專征抱真李芄聲勢相援于時士吏畏法將帥感恩
俱蘊勝殘盡敵之誠未有爭功邀利之釁故能累摧堅
陣深抵窮巢元惡幸脫於俘囚兇徒幾盡於鋒刃臣故

曰剋敵之要在乎將得其人馭將之方在乎操得其柄
此其明効也田悅旣敗力屈勢窮且皆離心莫有固志
乘我師勝捷之氣躡亡虜傷夷之餘比於前功難易百
倍旣而大軍遂駐遺孽復安其後餽運日增師徒日益
于茲再稔竟不交鋒量兵力則前者寡而今者多議軍
資則前者薄而今者厚論氣勢則前者新集而今者乘
勝度攻具則前者草創而今者繕完計兇黨則前者盛
而今者殘揣敵情則前者銳而今者挫然而勢因時變事
與理乖當易而反難當進而中止本末殊趣前後易方
順理之常必不如此臣故曰將非其人者兵雖衆不足恃
操失其柄者將雖材不為用此自昔必然之効但未審
今茲事實得無近於此乎在陛下熟察而亟救之耳固

不在益兵以生事加賦以殄人無紓目前之虞或興意外之患人者邦之本也財者人之心也兵者財之蠹也其心傷則其本傷其本傷則枝幹顛瘁而根柢屢拔矣惟陛下重慎之愍惜之今師興三年可謂久矣稅及百物可謂繁矣陛下爲之宵衣旰食可謂憂勤矣海內爲之行賁居送可謂勞弊矣而寇亂有益翦滅無期人搖不寧事變難測是以兵貴拙速不尚巧遲速則乘機遲則生變此兵法深切之誠往事明著之驗也夫投膠以變濁不如澄其源而濁變之愈也揚湯以止沸不如絕其薪而沸止之速也是以勞心於服遠者莫若修近而其遠自來多方以救失者莫若改行而其失自去若不靖於本而務救於末則救之所爲乃禍之所起也修近之